

17. januar 2017

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

- 1) **Nunatta inuiattut timersornikkut unammersuarterfissaanik qulisamik “National Stadion”-imik pilersitsinissaq siunertaralugu suliassat tulliit suut Naalakkersuisut pilersaarutigaat?**
- 2) **National Stadionip pilersinneqarnissaanut aningaasaleeriaatsit periarfissaasut arla-riit pilersaarummi saqqummiunneqartut eqqarsaatigalugit, Naalakkersuisut aningaasalersueriaaseq qanormita ittoq atussallugu tulluarnerusutut isigaat?**
- 3) **National Stadionip sumi inissisimanissaa eqqarsaatigalugu Naalakkersuisut qanormita isumaliutersuuteqarpat?**

(Inatsisartuni ilaasortaq Anders Olsen, Siumut)

Tungavilersuut:

2015-imi upernaakkut Inatsisartut ataatsimiinneranni siunnersuutigaaara nunatta inuiattut timersornikkut unammersuarterfissaanik qulisamik “National Stadion”-imik pilersitsinissaq siunertaralugu Naalakkersuisut pilersaarummik kingusinnerpaamik UKA 2016-imi saqqummiunneqartussamik suliaqassasut. Pilersaarut november 2016 qiteqqulluinnartoq Inatsisartunut agguanneqarpoq.

Pilersaarummik suliaqartoqarnissaa taamanikkut partiinit Naalakkersuisunillu tamanit anner-tuumik tapersersorneqarpoq. Pilersaarummi qulakkeerniagassat ilagaat “National Stadion”-issap qanoq ittuusinnaanera paasiniassallugu, qanoq angitigisussaasariaqarnera, qanoq akeqartus-saana kiisalu qanoq aningaasalersorneqarsinnaanera.

Pilersaarut imartooq soqutiginaatilillu maanna suliap ingerlaqqinnissaani sakkussatut atugas-sarput tigusimalerparput, taamaattumillu suliap ingerlaqqinnissaa eqqarsaatigalugu Naalakkersu-isunut apeqqutit ingerlateqqippakka.

National Stadionissap sumiissinnaanerani apeqqutip piaartumik aalajangiiffigineqarnissaa pingaaruteqarpoq, tassami kommunip inissisimaffigineqartussap aamma tassani suleqataanissaa pingaaruteqarluinnarmat.

Timersorneq aqquutaalluni Kalaallit Nunaat nunarsuarmioqatigiinnut imminut tulluussimaa-rutigisoq pilersittariaqalerparput, ukiunilu qaninnerpaani sanaartornissap piviusunngortinnis-saanut sulineq kinguarsaqqinnagu pimoorullugu suliarisariaqalerparput!